

Date – 31/07/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. PWD Minister Pu Vanlalhlalan Mizoram chak lakluhna kawngpui that tawh loh avanga harsatna thlengte sutkian a nih thuai theih nan kawng siamthat hna ngawrh taka kalpui zel a ni a ti.
2. Lirtheia Eizawng Pawl hrang hrang 22 inzawmkhawmin Mizoram chak lakluhna kawngpui pawimawh a rang thei ang bera siamtha turin karleh thawhtanni atangin ni 5 chhung 'Lirthei Tlan Chawlh' an puang dawn.
3. Congress Party chuan Mizoram hmun thenkhata zikhlum chingtu loneitute manganna chin fel sak turin sorkar an phut.
4. Union Cabinet chuan Pradhan Mantri Kisan Sampada Yojana atan 15th Fianance Commission chhungin cheng vaibelchhe 6520 hman a remti.

<><><>

PWD

Public Works Department Minister Pu Vanlalhlalan Mizoram chak lakluhna kawngpui pawimawh tak Kawnpui leh Sairang inkar a that tawh loh avanga harsatna thlengte sutkian a nih thuai theih nan kawng siamthat hna ngawrh taka kalpui zel a ni a ti.

Minister hian waviin khan National Highway - 6, Sairang - Buichali - Kawnpui inkar kawng thawmthat hna kalpui mek chu a hmun ah kalin a endik a. Kawng siam hna thawktu PWD leh NHIDCL hmalakna tichak tura khawtlang hruaitute, tlawmngai pawl hrang hrang, lirthei hmanga eizawngtute leh lirthei khalhtute inpekna leh tawiawmnaah lawmthu a sawi a. He kawng siamthat nana Sawrkar, khawtlang leh pawl hrang hrang hmalakna leh inpekna rah duhawm tak hmuh thuai beisei a nih thu a sawi bawh.

Sorkar thuchhuah tarlan danin, Sairang leh Kawnpui inkar kawng thawmthat hna hi Section pathuma then niin Section-I hian Sairang atanga Buichali thleng a huam a. NHIDCL hnuaiah BR Goyal Infrastructure chuan a thawmthat hna hi thawkin Mizoram PWD chuan a tul apiangah khawh leh hmanruate nen an pui reng bawh a ni. Section-II hian Khamrang atanga Kawnpui-Aizawl peng thleng a huam a,

Section -III hian Kawnpui - Aizawl peng atangin Kawnpui khaw chhung thleng a huam baw k a ni.

Heng section pathum vil hian PWD atangin SE Highway Circle I Pu Eddie C.Zothansanga, Executive Engineer 2, SDO leh JE te'n a hmunah an riahchilh a. Kawng thawmthat nana hmanraw pawimawh tak, lung lak khawmna kawngah harsatna a awm tawh loh thu thawktute hian an sawi a. Niminah lung trip 152 hman a nih thu leh lirthei tang hnuk chhuak turin kawng chhe zual laiah duty siam a nih thute tarlan a ni a. Kawng thawmthat hna chak taka kalpui a nih rualin ruah sur leh lirthei lian tlan an thahnem avangin duh anga hnathawh a sawt theih loh thu thawktute hian an sawi baw k a ni.

PWD Minister hi Sports & Youth Services Minister Pu Lalnghinglova Hmar leh Pu Lalchhuanthanga, MLA-ten an tawiam a ni.

<><><>

60th FOUNDATION DAY OF AKASHVANI AIZAWL

Akashvani Aizawl din kum 60-na lawmna vawiin khan Akashvani Aizawl Multipurpose Hall Tuikhuahtlangah tan a ni.

SFX .. Akashvani Aizawl

He hun hi Akashvani leh Doordarshan Additional Director General (Northeast Zone) Pu Ashish Bhatnagar an a hmanpui a, thusawiin Pu Bhatnagar-a chuan Akashvani chu sorkar laipui scheme pawimawh hrang hrang hamthatna dawngtu tur dik tak te hnena hrilhre tu a ni a ti a. Akashvani chu mi zawng zawng tan a nih thu leh reithei leh hausa, hnam hrang hrang te thliar loa an zavaia aw puangchhuaktu a nih thu a sawi a, ram mipui zawng zawng a huam a ni a ti.

Akashvani chu langtlang zawka kalpui zel an tum thu sawiin karleh atangin Thawhtanni apiangin officer te leh thawktute an thutkhawm thin dawn thu a sawi a, programme awm tur te an sawiho thin dawn a ni a ti a. A bul tan nan Doordarshan Aizawlah a hoa an thutkhawmin Happiness Officer an ruat thu sawiin Akashvani Aizawl pawh ruat ve turin a hrilh a. Hmundangah pawh a sawipun zel tur thu leh Mizoram chu a bultantu an nih dawn thu a sawi a ni.

(BYTE)

Akashvani Aizawl Director leh Mizoram Cluster Head Pu DR Lalropuia pawhin thu a sawi a, chuan Akashvani Aizawl chu kum 1966 July ni 31-ah Assam sorkar hnuaiah district AIR Station anga bul tan a nih thu leh chumi atang chuan hma a sawn chhoh ve hret hret thu a sawi a. Vawiinah chuan nasa taka thangin mipuite rawngbawlin kum 60 lai a lo tling ta a ni a ti.

(BYTE)

He hunah hian Myanmar rambuai chungchanga documentary series-a chawimawina sang Emmy Award dawngtute Akashvani Aizawl News Editor pahnih HC Vanlalruata leh Isaac Zoramsanga te chu ADG Pu Ashish Bhatnagar an lawmpuina a hlan a ni.

Tun dinhmunah Akashvani Aizawl ah hian thawktu mi 170 an awm mek a, a ngheta thawk mi 50 leh a nghetlo a thawk mi 120 an awm mek a ni.

<><><>

LIRTHEIA EIZAWNG PAWL PRESS CONF

Lirtheia Eizawng Pawl hrang hrang 22 inzawmkhawmin Mizoram chak lakluhna kawngpui pawimawh a rang thei ang bera siamtha turin karleh thawhtanni August ni 4 atanga ni 9 inkar chhung 'Lirthei Tlan Chawlh' an puang dawn.

Vawiina Mizoram Truck Driver Association Gen. Hqrs Office Hunthar-a thuthar thehdarhtute an kawmnaah, Lirtheia Eizawng Pawl hrang hrang Chief Convener Pu Robert Lalrinawma chuan kawngpui siam mek te hi an thlithlai reng thu sawiin, lirthei tlanna tura a la that tawh loh avang leh kawngpui pawimawh ber Sairang atanga Vairengte (NH 306/06) inkar Khamrang kawngah lirthei tangkhang a tam avangin kawng siamtuten hnathawh a ti buai ni-a an sawi bawh avangin 'Tlan Chawlh' puan an rel ta tih a sawi a ni.

August ni 4 thleng heng kawngpuia lirthei tangkhang zawng zawngte chu lo inthiarfihlim tur leh sorkar pawhin heng lirthei te hi lo chhuah turin an ngen tih a sawi a, kawngsiam chhungin hnathawktuten thawl taka hna an thawh theihna tur leh kawng tha taka an siam theihna turin lirthei tlan lo turin an ngen tih an sawi a ni.

Byte: Pu Robert Lalrinawma

Pu Robert Lalrinawma chuan kawngchhiat chhanah NHIDCL leh Mizoram sorkar inpuh tawn chu tha an ti lo tih sawiin, NHIDCL chu hnathawktu a ni a, Mizoram sorkar chu state neitu a nih angin Mizoram sorkar chuan chak takin hmala se, NHIDCL chu chak takin nawr se an duh tih a sawi a, tuna kawng chhia pawh side drain mumal awm loh vang pakhat ni-a an hriat thu a sawi bawh a ni.

Hei bakah hian, lirtheiten chhiah leh thil dang an chawite sorkarin ngaihnamthiamna pakhatmah a pe lova, an eizawna kawnga an tlan theihna turin a man an pe chung pawha lirthei tana tlan nuam taka sorkarin kawngpui a siam sak thei lo chu sorkar inthlahdah vang nia an hriat thu a sawi bawh a, phai atanga load la lirthei te chu Mizoram kawngchhiaah chirh tam tak an kai hnuah Phunchawng Weigh Bridge-ah an lo buk sak thin chu tih tawp rih ni se an duh tih a sawi a ni.

Byte: Pu Robert Lalrinawma

Zawhna chhangin kawng chhiat avang hian tun dinhmunah ZDU tiamin pawl hrang hrangin hma an la mek a, Mizoram Truck Owners Association (MTOA) chu Ministry of Road Transport-ah zualko turin lamkal an in tir mek tih a sawi bawh a, Mizoram Truck Driver's Association (MTDA) pawhin Court-ah PIL an thehlut tawh a, August ni 25-ah hearing neih a ni dawn a ni. Chhinchhiah chinah kumin 2025 chhung hian Sairang - Vairengte inkar kawng chhia vangin tukin thleng khan lirthei 49 a tlu tawh a ni.

<><><>

MPCC PRESS CONF

Mizoram Pradesh Congress Committee Congress MPCC chuan Mizoram hmun thenkhata zikhluh chingtu loneitute manganna chinfel sak turin sorkar an phut.

MPCC Legal Department, PAC/Chairman Pu TT Zothansanga'n vawiin khan Aizawl Press Club-a thutharthehdarhtute kawmin, Loneituten an thawhrim rah a taka an seng theih nan sorkarin Loneitute leh zikhlum zuartute te be rawnin Vairengte leh hmun hrang hrang atanga zikhlum lo lut tur khapna dan chhuah thuai turin a phut tih a sawi a.

Pu TT Zothansanga chuan Samthang khuaa zikhlum chingtuten a hralhna tur an hriat loh avanga July ni 25-a Aizawl khawpui veng hrang hrangah YMA ten an zawrhpu a, veng chhung mipuite lei tura an ngen chu paw a tih thu a sawi a. Kum 2022 Assembly inthlan dawn a ZPM Kalphung thar Manifesto ah thlaichin uar tur thlan bik zingah Zikhlum a tel tih sawiin, an sorkar hnuah an ngaihsak lo a ni a ti.

Byte: TT Zothansanga

Pu TT Zothansanga sawi danin, Samthang ah In 145 in an ching a, Khankawnah In 111. East Tuipui bial khaw hrang hrangah In 400 chuanguin Zikhlum chu inngah nan an hmang a, an vaiin Zikhlum Qtls 10000 chuang zet tharchhuah an inbeisei a, hralh theih loh tawih chhia chu Qtls 1300 zet a awm a, hralh tur an la ngah hle a, sorkar a chet vat a ngai a ni a ti a ni.

Corr: Maremi

<><><>

AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihlthlak leh chhiar theih a dah a ni.

Naktuk zing dar 7 leh a chanve-ah Chanchintha puan leh a ni ang.

<><><>

NIA COURT

Mumbai Special NIA Court chuan kum 2008 Malegaon bomb puaka mawhphurtua puh mi pasarihte chu thiam chantirin a chhuah zalen. Vawiina Court-in a chhuah zingah hian BJP MP hlui Pragya Singh Thakur leh Lt. Col Prasad Purohit te pawh an tel a. NIA Court chuan prosecution lamin pawikhawihua puhte thiamloh chantir tur khawpa finfiahna an neih loh thu a sawi a. He thubuaiah hian Unlawful Activities (Prevention) Act (UAPA) chu hman theih anih loh thu a sawi a. Maharastra sawrkar hnenah bomb puaka thi chhungte hnenah zangnadawmna cheng nuai 2 theuh leh hlaim tuarte cheng sing 5 theuh pe turin a ti baw a ni.

Kum 2008 September ni 29 khan Malegaon khawpuiah bomb puakin mi paruk an thi a, mi 95 in hlaim an tuar a ni.

<><><>

UNION CABINET

Union Cabinet chuan Pradhan Mantri Kisan Sampada Yojana atan 15th Finance Commission chhungin cheng vaibelchhe 6520 hman a remti. Union Information and Broadcasting Minister Ashwini Vaishnaw chuan New Delhi-a chanchinbumite hrilhin cheng vaibelchhe 1000 chu Integrated Cold Chain and Value Addition Infrastructure ICCVAI hnuaiah Multi Product Food Irradiation Units 50 dinna tur a tel a. Heng bakah hian Food Safety and Quality Assurance Infrastructure, FSQAI. hnuaiah Food Testing Labs 100 dinna tur a tel thu a sawi bawk.

(Byte)

Union Cabinet thurel zingah hian cheng vaibelchhe 2000 senna tur Grant in aid to National Cooperative Development Corporation (NCDC) a tel bawk a. Hei hi kum 2025-26 atanga 2028-29 chhunga tih hlawhtlin tur a ni a.

Hei bakah hian Maharastra, Madhya Pradesh, West Bengal, Bihar, Odisha leh Jharkhand huamchhungah district 13 tan tlanga cheng vaibelchhe sing 1 sang 1 leh 169 senga relkawng siamna tur project pawh pawm a ni a. Kum 2028-29 ah he project hi zawh fel tur niin hna thar nuai 229 chuang a siam belh dawn a ni.

<><><>